

--- SERINATU ---

PUESIA E MUSICA DI G. DI LA GROTTA

S'io pudia esse un'acellu,
E vulà sin'a u to' lettu,
'Ngrusulammi a lu to' pettu,
Per tutta l'eternità !

Diceria in lu miò cantu,
Quantu la vita è amara,
Privu ognì mumentu, o cara,
Di la to' dolce beltà !
Nun dumanderia tantu,
S'iò pudia esse un acellu:
Stamm'in gabbia au to' purtellu! (bis)

P. finisce

I

S'iò pudia esse un'acellu,
E vulà sin'a u to' lettu,
'Ngrusulammi a lu to' pettu,
Per tutta l'eternità !

Diceria in lu miò cantu,
Quantu la vita è amara,
Privu ognì mumentu, o cara,
Di la to' dolce beltà !
Nun dumanderia tantu,
S'iò pudia esse un acellu:
Stamm'in gabbia au to' purtellu! (bis)

II

S'iò pudia esse lu fiore,
Di tutti lu più pumposu,
D'un muscu fine e preziosu
Ti vurria imbalsamà !

Di e to' labbre tantu amate,
Averia un basgiu almenu,
E lu soffiu di u to' senu
M'averia fattu sbuccià !
Impassitu in tre serate,
S'iò pudia esse lu fiore,
Moreria ebbriu d'amore ! (bis)

III

S'iò pudia esse la spera
Di lu sol' primaverile,
U to' visu, a miò gentile,
Lu vulia illuminà !

Dolcemente impriggiunatu
In li to' capelli neti,
I nebbiosi toi penseri,
Li vulia rischiarà !
Mi sarla ancu calatu
S'iò pudia esse la spera,
Sinu a l'anima sincera ! (bis)

IV

Ma nun sò che un mischinellu !
A notte, solu in sti chiassi,
Frustu indernu li miò passi,
Circhendu a felicità.

A miò cumpagna è la luna,
Chi mi cova in lu miò agnu,
Ella, ascolta lu miò lagnu,
Poi si piatta a lagrimà !
In la notte fredda e bruna,
Eiu, sò lu mischinellu
Chi trema sott'un purtellu ! (bis)

Gh. di la Grotta.